

(ciep banj 14)

(47) Laebndei aen dijci giekdaej swnghdai vwnzmingz. Saedhengz aen cidu guenlleix swnghdai vanzging dwg faen ranghdieg, miz cengca, dawzcinj guenjhanh haenx, laebcaez aen cidu gamcaek caeuq bingzgyaq swnghdai vanzging. Laebhwnj laebcaez aen cidu guenjhaed yunghcawq caeuq cinjhawj gveihva gyanghoeng diegguek ndaej cw doh sojmiz diegdeih sojmiz loihhingz, caezcaemh doxciep haenx. Laebcaez aen dijhi hangh cidu canjgienz caeuq hangh cidu guenlleix swncanj swyenz swhyenz, laebndei aen gihci dakhawj daihleix gij gienzgaemmiz cungj swncanj swyenz swhyenz dwg daengxcungq yinzminz gaemmiz haenx, laebhwnj doengh gij cidu gaujhaed gamduk faenh cwzyin baujhoh swnghdai vanzging, baujhoh leihyungh swyenz swhyenz caeuq hawj swncanj swyenz swhyenz mbouj bienqcienh lai dijcienz daengj. Laebndei aen gihci dox boiqhab guh gaiq hong swnghdai ancienz guekgya. Biensij bouh fazdenj swnghdai vanzging.

(48) Laebcaez aen dijhi ceihleix swnghdai vanzging. Doihaeuj hwnqguh doengh gij dijhi ceihleix swnghdai vanzging, baudaengz aen dijhi dawzrap, aen dijhi gamguenj, aen dijhi hawciengz, aen dijhi fapldw fapgvi cwngcwz. Laebndei gij cidu gihci dawzcinj ceihleix uqlah, gohyoz ceihleix uqlah, ciuqfap ceihleix uqlah, doeksaed gij cidu gamguenj giz goek uqlah doekdingh au aen cidu cinjhawj baizuq guh goek haenx, laebhwnj aen dijhi guhdoih ceihleix cungj huquqlah moq caeuq gamguenj vanzging fungyiemj, doicaenh lai cungj huquqlah guhdoih gemjbaiz. Gyalae gajgwz aen cidu ciuqfap byoqlah gij saenqsik vanzging, cauhaeb aen dijhi gamguenj gij saenqyungh vanzging. Doidoengh ranghdah youqgaenj cauhaeb aen dijhi ceihleix swnghdai vanzging au duenhgwz duenhlaej caezcaemh guh haenx. Cienzmienh doihaeuj hwnqguh aen dijhi giz dieg swyenz baujhoh au guekgya gunghyenz guh daeuz haenx.

Hengzndei aen cidu guenlleix diuz sienqhoengz baujhoh swnghdai, laebcaez aen gihci doengbuenz baujhoh caeuq baenzroix ceihleix bya raemx ndoeng naz huz nywj sa, hwnqguh aen gihci lai yiengh douzhaeuj baujhoh coihfuk swnghdai. Doekguh aen cidu hanhhaed swhyenz raemx baenzbaenz au hengz ndei haenx, cienzmienh mbeguh doiq swhyenz raemx youz soufeiq gajbaenz sougvaeh. Gyaak aen gihci doxdaz guh gij hong baujhoh doenghgo doenghduz lai cungj lai yiengh. Laebcaez aen cidu haifat baujhoh swhyenz haijyangz. Laebcaez aen gihci hawj canjbinj swnghdai miz ok gyaciz. Gyalae gajgwz aen cidu ok cienz sawjyungh swyenz swhyenz. Doihaeuj gaiq hong gyoebhab boizbouj swnghdai, laebcaez aen gihci giz gap giz doxbouj baujhoh swnghdai, daengxbuenz maeuzveh doihaeuj gaiq hong sonjhaih swnghdai vanzging au dienzboiz.

(49) Laebcaez gij gihci loegsaek danqnoix bae hwnghat. Saedhengz gij cwngcwz caizsui, ginhyungz, douzsw, gyagwz caeuq gij dijhi biucinj haeucoengh yiengh hwnghat loegsaek danqnoix, lai guh gij canjnieb loegsaek danqnoix, laebcaez aen gihci gikleih yiengh siufeiq loegsaek, coihaeuj hwnqguh aen ginghci dijhi dwg loegsaek danqnoix sinzvanz hwnghat de. Gajndei gij cwngcwz cwnghuj dajcawx doenghyiengh loegsaek, laebndei aen suici loegsaek. Laebndei aen cidu guenlleix cungliengh caeuq cienzmienh mbaetyungh swhyenz, laebcaez aen dijhi ndaej caiq yungh huqfeiq. Laebcaez aen gihci cinghseuq yauqlwd sang bae leihyungh meizdan. Gyavaiq gviveh hwnqguh aen dijhi nwngyenz yienghmoq, laebndei gij cwngcwz cosih ndwnjhaiz caeuq diuzgung nwngyenz moq. Laebndei aen gunghcoz dijhi hab' wngq dienheiq bienqvaq.

Laebhwnj aen gihci moq daj song yiengh caez hanh (hanh cungliengh hanh giengzdoh) siuyungh nwngyenz cienzmienh cienj daengz song yiengh caez hanh baizcuengq danq. Cauhaeb aen dijhi gyoebsuengq haedsuengq danq baizcuengq, aen cidu nyinhcingq canjbinj gij maigeiq danq, aen dijhi guenlleix canjbinj gij rizdin danq, laebcaez aen cidu youq hawciengz gaicawx gij gienz baizcuengq danq, aen cidu gagnyienh gaicawx gemjnoix baizcuengq heiq ranzraeuj, lai gaenx lai onj bae doihaeuj danqdaemxdingj danqgunghuz.

Cibsam, Doicaenh Aen Dijhi Caeuq Gij Naengzlig Guekgya Ancienz Habngamj Yienhdaih Aeuyungh

Guekgya ancienz dwg aen giekdaej youqgaenj hawj gij yendaiva yiengh Cungguek byaij onj byaij gya. Itdingh au cienzmienh hengzndei aen swhsiengj guekgya daengxbuenz ancienz, laebndei gij dijci gihci henhoh guekgya ancienz, hawj yiengh hwnghat caetliengh sang caeuq yiengh ancienz suiyingz sang ndaej doxdohng doxcoi, caen ndaej baujjang guekgya ciengzgeiz andingh.

(50) Laebcaez aen dijhi guekgya ancienz. Gyaak aen gihci dox boiqhab guh gaiq hong guekgya ancienz, laebndei gij dijhi fapceih, dijhi canloz, dijhi cwngcwz, dijhi gamcaek yawhgingj fungyiemj hawj guekgya ancienz, laebndei aen dijhi baujhawj gij lingyiz youqgaenj ancienz caeuq aen dijhi doxgap cijveih gij cienhangh youqgaenj. Cauhaeb aen dijhi fuengzhen guekgya ancienz gapfwngz guh gig mizyauq haenx, doicaenh gohgi coenghrendz gyamaenh guekgya ancienz.

(51) Laebndei aen gihci ceihleix goenggungh ancienz. Laebcaez aen dijhi baujjang cawqceq gij goenggungh saehgienh fwtfat, laebndei aen gihci youq laj aen gvaenghgyaq daih ancienz daih dangqhaengq cijveih hongsaeh dangqhaengq, gyaak aen giekdaej caeuq gij rengz dangqhaengq gihcwnghz, engq ak bae fuengz cai gemj cai gouq cai. Laebndei aen gihci baizcaz cingceih gij fungyiemj ancienz swnghcanj caeuq dauqcaz gij cwzyin ancienz swnghcanj. Laebndei aen dijhi rapdawz faenh cwzyin gijgw n gijyw ancienz. Laebcaez aen dijhi gamguenj yawhgingj fuengzhaed swnghvuz ancienz. Gyarengz hwnqguh aen dijci vangiloz ancienz, laebhwnj aen cidu gamguenj yinzgungh cinwngz ancienz.

(52) Laebcaez aen dijhi ceihleix ndawbiengz. Hengzdingh caeuq hwnghat gij "gingniemh Funghgyauz" seizdaih moq, laebcaez aen dijhi ceihleix gihcwnghz singzmbanj au gagguenj, fapguenj, daekguenj dox giethab youz dangcujciz lingjdauj haenx, laebndei aen cidu ceihleix aen biengz caezlaeb caezguenj caezyungh de. Damqra laebhwnj aen cidu guenlleix vungzyaeuj daengx guek caezcaemh haenx. Laebcaez gij dijci gihci guh hongsaeh ndawbiengz, gyarengz au dangjen bae dazyinx ceihleix gihcwnghz, gyarengz guh ndei aen doih boux guh hongsaeh ndawbiengz, doidoengh hwnqguh aen dijhi gagnyienh fugsah. Doihaeuj ciuqfap bae guh gaiq hong saenqfangj. Gyaak gij bonjsaeh ceihleix aen biengz hawsingz, hawj doengh aen bingzdaiz lumjbaenz diuz yezsen siminz daengj ndaej engq ndei fugsah vnzlai, laebcaez aen gihci lied mbawdan daeuj guenlleix gij saehhangh youqgaenj "vaiqdangq banhbaenz gienh saeh ndeu" caeuq aen gihci ciuqciengz doihaeuj gij yienghsaeh neix. Laebcaez aen dijhi fugsah simleix ndawbiengz caeuq aen gihci capfwngz fuengz oksaeh. Laebcaez gij gihci langh ok yiengh rengz guh ndei gyadingz gya' gyauq gyafung coenghrendz gihcwnghz ceihleix. Gyalae gajgwz gij

hezvei sanghvei ndaw hangznieb. Laebcaez aen cidu guenlleix sevei cujci.

Laebcaez gij cidu hawj cizcwz yanghcin (gaihdau) caeuq gienzlig, swhyenz doxha, gyalai gij rengzlig guenlleix fugsah yanghcin (gaihdau). Laebndei aen dijhi cingjdaj fuengzhaed cianh ndawbiengz, laebcaez gij gihci hawj baet yak cawz rwix baenz yiengh hong ngoenznaengz bae, ciuqfap yiemzfad gak yiengh famhfap famhoih cungqvunz fanjyingj haenqrem haenx.

(53) Laebndei gij gihci hawj guekgya ancienz nangqdaengz guekrog. Laebhwnj laebcaez aen gihci gapguh gaiq hong bauj gij ancienz seiqhenz guek raeuz. Gyaak gij dijci gihci doiq gij leih' ik caeuq douzsw youq rog guek de guh fungyiemj yawhgingj, fuengzhaed, baujhoh, gyalae youq ancienz lingyiz caeuq guek wng doxgap caefap, henhoh gij gienzik habfap gunghminz, fazyinz guek raeuz youq rog guek haenx. Laebcaez aen gihci fanj ceihcaiz, fanj capfwngz, fanj "iet gen daeuj guenj". Laebcaez aen gihci henhoh gij gienzik haijyangz. Laebndei aen gihci caeuqfaenh ceihleix gij ancienz daengx seiqgyaiq.

Cibseiq, Laebdaeb Gyalae Gajgwz Gofangz Caeuq Bingdaih

Gofangz caeuq bingdaih yendaiva dwg aen bouhfaenh youqgaenj gapbaenz gij yendaiva yiengh Cungguek. Itdingh au dawzmaenh seizseiz yienghyiengh au Dangj lingjdauj yinzminz bingdaih, haeujlaeg saedhengz aen canloz baengh gajgwz ak bing, vih ciuqgeiz guhbaenz aen moegbiu buekguh laebbaenz bingdaih it bak bi, daihdaj guhbaenz gofngz caeuq bingdaih yendaiva daezhawj baujjang rengzrd.

(54) Laebndei gij dijci gihci lingjdauj guenlleix yinzminz bingdaih. Laebcaez gij cidu gihci gvancez aen cidu ginhvei cajsiz rapdawz cwzyin, haeujlaeg doihaeuj baengh cwnghi laebguh bingdaih. Gajndei gaiq hong boiqnda gij ciznwnghz doengh aen bouhmonz ginhvei gihgvanh, laebcaez aen gihci daengxbuenz maeuzveh guh ndei gij hong hoenx, laeb, bwh, laebndei aen gihci guh gezcwz hungnaek au cazcam bingzguj, gyalae cauhoq guenlleix canloz, laebndei aen dijhi ceihleix saehbing. Laebcaez aen gihci guh gij hong ciuqfap guenj bing. Laebndei gij cwngcwz cidu boiqdauq doengh aen lingyiz hoenxcienq bwhhoenx, vunsah ndaw bingdaih daengj. Gyalae gajgwz doengh aen yenyau bingdaih, doidoengh yenyau baengh rengzndaw bae hwnghat. Guh yiengh gajgwz diuzcingj gij giyez swyez danhvei bingdaih.

(55) Gyalae gajgwz aen dijhi lienzhah hoenxcienq. Laebndei gij ciznwnghz Ginhvei Lienzhah Hoenxcienq Cijveih Cungsime, laebcaez gij goengnaengz cijveih aen lingyiz ancienz hungnaek, laebhwnj aen gihci caeuq cunghyangh nem guekgya gihgvanh boiqhab yinhhengz de. Gajndei gij bienboiq beijlaeh cangih lienzhah hoenxcienq cijveih cungsime, laebndei gij vunqsik biencuj cijveih yinvu bingdaih lienzhah hoenxcienq. Gyaak daengxbuenz maeuzveh hwnqguh caeuq yinhyungh aen dijhi vangiloz saenqsik. Cauhaeb gij gezgou baijbouh ginhcungj bingcungj yienghmoq, gyavaiq hwnghat gij ligliengh haephwk ndaej coenghrendz daengxbuenz haenx, roengz rengzhung hwnghat yiengh ligliengh youq lingyiz moq guh yiengh moq hoenxcienq, daengxbuenz maeuzveh gyaak yiengh ligliengh hoenxcienq conzdungj. Gajndei gij bienboiq beijlaeh nga ligliengh bingdaih vujingj.

(cienj banj 16)